

Huusmeister Kaczmarek

Text und Musik: Bläck Fööss
Edition: E. Waffenschmidt, 5.11.2002, #1, Tonart: Tempo: /min

Jo wenn d'r Aufzoch klemmp
un de Mülltonn brennt
un em janze Huus et Leech usfällt,
es em drette Stock d'r Klo verstopp,
Alles weed bei mir jemeld'.
Och wenn Wasserrühre lecke,
dun se mich och Naaks für wecke.
Dat es minge Job.
Dreck en d'r Eck un ne Fleck an d'r Deck,
Sidder dann jeck, wem es da Dreck? muss weg!
Hey Kaczmarek - je jo.
Hey Kaczmarek - Ben schon do.
Hey Kaczmarek - Wat es loss?
Hey Kaczmarek - Ich kumme.
Huusmeister o, Huusmeister o,
Huusmeister o, Huusmeister o,
Siedlungskontrolletti,
alles fess em Griff,
alles schön paletti
met d'r Werkzeugkess.

Decke Schruve, dönne Schruve,
Dübbele für enzemuure,
Säjebladder, Winkelieser,
Bohrmaschine, Schlifmaschine,
Röllche für Jadingeschiene,
Ratschekaste, Pinselquaste,
alles en d'r Werkzeugkess.
Et jitt immer jet ze säje,
jet ze bohre oder fräse,
lieme, näle oder Klingeldroht verläje,
Dachantenne amputiere, installiere,
Stromzählerkaste kontrolliere
Hey Kaczmarek - Wat lauf?
Hey Kaczmarek - Kein Zick!
Hey Kaczmarek - Ich muss weg!
Hey Kaczmarek - Mahana.

Huusmeister o, Huusmeister o,
Huusmeister o, Huusmeister o,
Siedlungskontrolletti,
alles fess em Griff,
alles schön paletti
met d' r Werkzeuchkess.

Ja Sauerei, wä mät he Fesch,
et stink he em Huus wie en Feschbrotköch.
Ach, Frau Kraus, maat Ihr huck Fesch,
Ja, joot, dann setz ich mich met an d' r Desch
un loren dann, wenn ich noch kann,
wie immer ens flock noh d' r Badewann.
Ich dun wat ich kann, ston immer minge Mann.

Huusmeister o, Huusmeister o,
Huusmeister o, Huusmeister o,
Siedlungskontrolletti,
alles fess em Griff,
alles schön paletti
met d' r Werkzeuchkess.

Hammer keine Hammer,
ja wo hammer en dann?
Hammer keine Hammer,
jo dann nemme mer de Zang.
Hammer keine Hammer un finge mer keng Zang,
Ja, dann nemme mer su lang de Isestang.
Hibbe di Hipp Hipp, de Hibbe di Hopp
Do haue mer de Näl met d' r Stang op d' r Kopp.
Hobbe di Hopp Hopp di Hobbe di Hipp
Decke Schruve, dönne Schruve, Finsterkitt.

Huusmeister o, Huusmeister o,
Huusmeister o, Huusmeister o,
Siedlungskontrolletti,
alles fess em Griff,
alles schön paletti
met d' r Werkzeuchkess.